

# STATUTI DHE AKTI I THEMELIMIT

## I

### SHOQËRISË TREGTARE ME PËRGJEGJESI TE KUFIZUAR

#### “ALBARIDE” SHPK

## KREU I

### DISPOZITA TË PËRGJITHSHME

#### Neni 1

##### Formimi i shoqërisë

1. Sot në Tiranë në datën 15 Maj 2024 (dymijë e njëzet e katër) themelohet shoqëria tregtare me përgjegjësi të kufizuar e emërtuar “ALBARIDE” shpk, me vullnetin e lirë të ortakëve, në bazë të ligjit 9901 datë 14.04.2008 “Për tregtarët dhe shoqëritë tregtare”. Shoqëria me përgjegjësi të kufizuar “ALBARIDE”, formohet nga ortakët themelues:
  - a. **Keltin Mësonjësi**, i biri i Agimit, i datëlindjes 25.11.1995 lindur në Fier dhe banues në Tiranë, Njësia Bashkiake Nr. 5, Rr. Sami Frashëri, madhor e me zotësi të plotë për të vepruar pa pengesa ligjore, me nr. personal J51125041T
  - b. **Fabio Çela**, i biri i Kastriotit, i datëlindjes 29.04.1995 lindur në Tepelene dhe banues në Tiranë, Njësia Bashkiake Nr. 5, Rr. Margarita Tutulani, madhor e me zotësi të plotë për të vepruar pa pengesa ligjore, me nr. personal J50429028T
2. Themeluesit me vullnetin e tyre të lirë dhe në përputhje me Ligjin Nr.9901 datë 14.04.2008 “Për Tregtarët dhe Shoqëritë Tregëtare”, si dhe Aktin e Themelimit, kanë vendosur të kushtojnë në këtë sipërmarrje kapitalin e tyre, me qëllim që të përfitojnë të ardhurat që mund të vijnë nga veprimtaria private e Shoqërisë, si dhe të përballojnë humbjet deri në kufirin e vlerës së kontributit në Kapitalin Themeltar.
3. Shoqëria ushtron veprimtarinë e saj në bazë të ekonomisë së tregut të lirë. Shoqëria tregtare “ALBARIDE” sh.p.k, fiton Personalitet Juridik nga dita e regjistrimit të saj pranë zyrës së Qendrës Kombëtare të Biznesit në Tiranë.

#### Neni 2

##### Forma dhe emërtimi i shoqërisë

1. Shoqëria tregtare, është e organizuar si Shoqëri Tregtare me Përgjegjësi të Kufizuar.
2. Emërtimi i Shoqërisë është: “**ALBARIDE**” sh.p.k (në vijm referuar si “Shoqëria”).

3. Në rast transferimi të veprimtarisë tregtare, mund të ruhet i njëjti emërtim, me kusht që Personi Juridik të shtojë në këtë emërtim një shënim i cili ka të bëjë me transferimin.

### Neni 3

#### Selia e shoqërisë

1. Shoqëria ka selinë qendrore në territorin e Republikës së Shqipërisë në qytetin e Tiranës, Njësia Bashkiake Nr.5, Rr. Pjetër Bogdani, Godina 10, Hyrja 5, Kati 7, Apt 28.
2. Shoqëria mund të krijojë qendra dytësore, filiale, zyra përfaqësimi apo agjensi në qytete të tjera të Shqipërisë ose jashtë vendit.
3. Shoqëria mund të jetë pjesëmarrëse në një shoqëri tregtare apo mund të kontrollojë shoqëri të tjera tregtare si brenda dhe jashtë territorit të Republikës së Shqipërisë.
4. Njësitë strukturore të shoqërisë në format e mësipërme do të krijohen në përputhje me legjislacionin Shqiptar kur ndodhen brenda territorit të Republikës së Shqipërisë dhe jashtë saj në përputhje me legjislacionin e vendit ku Personi Juridik ka qendrën e ti.
5. Shoqëria do të ketë vulën e saj.

### Neni 4

#### Kohëzgjatja

1. Shoqëria do të përmbushë objektin e veprimtarisë së saj me një afat të pacaktuar.
2. Ndryshimet e shoqërisë duke përfshirë edhe përcaktime të mëvonshme në lidhje me kohëzgjatjen e aktivitetit të saj nuk sjellin si pasojë krijimin e një Personaliteti të ri Juridik.

### Neni 5

#### Objekti i veprimtarisë

1. Objekti i veprimtarisë së Shoqërisë do të jetë:
  - a. Dhënia me qira e makinave, minibus, autobus etj, si dhe të gjitha llojeve të tjera të mjeteve motorike. Shërbim automjetesh me qera me drejtues mjete, shërbim taksi, shërbim urban, ndërurban, ndërkombëtar, etj.

### Neni 6

#### Të drejtat e shoqërisë

1. Shoqëria nuk përgjigjet për detyrimet që rrjedhin nga veprimtaria ekonomiko-tregtare apo industriale që ortakët zhvillojnë në mënyrë të pavarur prej saj.

2. Shoqëria mund të ndryshojë emrin, selinë, kohëzgjatjen, objektin e veprimtarisë dhe administratorin sipas vendimeve që do të marrin ortakët.

## KREU II

### KAPITALI I SHOQËRISË

#### Neni 7

##### Kapitali

1. Kapitali themeltar i shoqërisë përbëhet nga 100,000 lekë (njqind mijë lekë).
2. Kapitali themeltar është i ndarë në 2 (dy) kuota me vlere nga 50,000 lekë (pesëdhjetë mijë lekë) secila.
3. Kapitali themeltar zotërohet nga ortakët:
  - a. **Keltin Mësonjësi**, zotërues i 1 (një) kuote apo 50% të kapitalit të Shoqërisë.
  - b. **Fabio Çela**, zotërues i 1 (një) kuote apo 50% të kapitalit të Shoqërisë.
4. Ortakët kanë të drejtë të tjetërsojnë, të zmadhojnë apo të pakësojnë kuotat e kapitalit deri në kufijtë e përcaktuar nga ligji.

#### Neni 8

##### Fondet

1. Shoqëria krijon fondin rezervë dhe fonde të tjera të veçanta të financimit për zhvillimin ekonomik e tregtar.

#### Neni 9

##### Përdorimi i fondeve dhe të ardhurave

1. Përbërja e kapitali të shoqërisë, fondet e krijimit të saj si dhe përdorimi e rregullimi i çdo fondi të veçantë përcaktohet nga ortakët sipas të drejtave dhe detyrave të përcaktuara në statut.
2. Të ardhurat e përgjithshme të shoqërisë dhe në përgjithësi çdo operacion financiar i saj do të pasqyrohet në kontabilitetin e shoqërisë sipas legjislacionit në fuqi dhe në mbështetje të akteve përkatëse të rrjedhura prej tij.

#### Neni 10

##### Shpenzimet

1. Shoqëria është pronare e pasurisë së saj të cilën e përdor dhe e disponon në emër të saj në përputhje me qëllimin dhe objektin e veprimtarisë së shoqërisë.
2. Shoqëria është e lirë të blejë dhe të shfrytëzojë të drejta të tjera materiale në përputhje me legjislacionin përkatës shqiptar.

Faqja 3 nga 7

Keltin Mësonjësi



Fabio Çela



3. Të gjitha shpenzimet për ushtrimin e aktivitetit tregtar, asistence teknike e juridike paguhen nga fondet e shoqërisë.

### **Neni 11**

#### **Raportet financiare**

1. Pasuritë e shoqërisë vlerësohen në monedhë shqiptare.
2. Aktiviteti financiar i shoqërisë do të mbyllet në 31 Dhjetor të çdo viti dhe bilanci do të miratohet brenda tre muajve të vitit në vazhdim.
3. Llogaritë vjetore, inventari, raportet dhe operacionet e vitit financiar, raportet e veçanta të hartuara nga ortakët dhe nëse e kërkon ligji nga eksperti kontabel i autorizuar miratohen me vendim të ortakëve të saj.

### **Neni 12**

#### **Transferimi i kuotave**

1. Kuotat janë lirisht të transferueshme në rrugë trashëgimie ose brenda personave të familjes.
2. Në rastet e kalimit të kuotave me kontratë, ortakë zotërues i kuotes përcakton kushtet, momentin e kalimit të titullit të pronësisë mbi kuotën, momentin e pagesës së çmimit në kontratën e kalimit të kuotës, e cila hartohet në formë shkresore, sipas dispozitave të legjislacionit të zbatueshëm.
3. Zmadhimi i kapitalit themeltar me anën e kontributeve në para apo të mira materiale bëhet me vendimin e ortakëve të shoqërisë mbi bazën e një projekti të paraqitur nga ekonomisti i firmës ose kontabli i miratuar.

## **KREU III**

### **ORTAKËRIA**

#### **Neni 13**

#### **Të drejtat dhe detyrat e ortakut**

1. Të marrë pjesë në mbledhjet e Asamblesë së Ortakëve duke ushtruar të drejtën e votës së tij.
2. Të paraqesë pyetje me shkrim në lidhje me aktivitetin dhe administrimin e shoqërisë ndaj administratorit.
3. Të informohet mbi përmbajtjen e raportit të administrimit, inventarët e llogaritë vjetore, tekstet e vendimeve të propozuara dhe raportin e ekspertit kontabël.
4. Të përfitojë nga fitimi i shoqërisë.
5. Të kërkojë prishjen e shoqërisë në rrethana të caktuara.

## **KREU III**



## DREJTIMI DHE ADMINISTRIMI I SHOQËRISË

### Neni 14

#### Administrimi

1. Sipas nevojave që paraqiten për zhvillimin e aktivitetit të shoqërisë, asambleja e ortakëve emëron dhe punëson administrator dhe drejtues teknik, të cilët qëndrojnë në detyrë deri sa revokohen nga shoqëria ose largohen me dëshirën e tyre. Administratori i emëruar i ka të gjitha kompetencat për të vepruar në emër të shoqërisë me përfundim të rasteve të veçanta që ligji i jep shprehimisht ortakëve të shoqërisë.
2. Shoqëria do të administrohet nga administratori **Keltin Mësonjësi, lindur më 25.11.1995, mbajtës i letërnjoftimit me numër personal J51125041T**, i cili përfaqëson shoqërinë në marrëdhëniet me të tretët për një periudhë 5 (pesë) vjecare dhe me të drejtë rizgjedhje.
3. Administratori mund t'i delegojë kompetencat e tij me shkrim në formën e autorizimit ose me prokurë.
4. Shoqëria në të ardhmen mund të administrohet dhe nga një administrator tjetër, i cili emërohet me Vendim të Ortakëve.

### Neni 15

#### Asambleja

1. Asambleja e Ortakëve është organi më i lartë vendimmarrës i shoqërisë.
2. Ortakët mund t'i delegojnë kompetencat e tyre me shkrim në formën e autorizimit ose me prokurë.

### Neni 16

#### Të drejtat e asamblesë

1. Të hartojë e miratojë ndryshimet në statut.
2. Të miratojë bilancin vjetor të shoqërisë.
3. Të vendosë për zmadhimin apo zvogëlimin e kapitalit themeltar të shoqërisë.
4. Të emërojë dhe shkarkojë administratorin e shoqërisë.
5. Të shpallë prishjen, likuidimin dhe falimentimin e shoqërisë.
6. Të shprehet për kohëzgjatjen e shoqërisë.
7. Të miratojë marrëveshjet e arritura në qarkullimin civil të saj.
8. Të miratojë strukturat e shoqërisë.
9. Të drejtat për çdo vendim tjetër që i njihet nga ligji, Akti i Themelimit të shoqërisë dhe Statutit të saj.
10. Të ruajë proces verbalet e mbledhjeve në selinë e shoqërisë.

## Neni 17

### Të drejtat e administratorit

1. Të përfaqësojë shoqërinë në marrëdhëniet e saj me të tretët e në administratën publike.
2. Të emërojë pranë shoqërisë personelin e domosdoshëm që i nevojitet asaj në përmbushjen e aktiviteti tregtar dhe ekonomik.
3. Të paraqesë për miratim në Asamblenë e Ortakëve strukturën e brendshme organizative të shoqërisë me emra përkatës dhe të përmbushë të gjitha detyrimet ligjore që rrjedhin nga legjislacioni i punës i Republikës së Shqipërisë.
4. Të administrojë pasurinë dhe mjetet financiare të shoqërisë brenda kufijve të caktuara nga Asambleja e Ortakëve.
5. Të testojë aftësitë e punonjesve në administratë.
6. Të thërrasë Asamblenë e Ortakëve dhe të propozojë çështjet që duhen analizuar.
7. Të hartojë objektivat e shoqërisë për çdo vit pasues dhe të vendosë e të ndjekë realizimin e detyrave të lëna nga vendimet e marra nga ortakët.
8. Të hartojë planet e llogarive ekonomike dhe t'i paraqesë ato për miratim nga Asambleja e Ortakëve.

## Neni 18

### Shpërndarja e shoqërisë

1. Shpërndarja e shoqërisë mund të vijë në çdo kohë dhe për çfarëdo shkak.
2. Shoqëria mund të prishet para kohe:
  - a. Me vendim të ortakëve.
  - b. Kur mbaron kohëzgjatja e shoqërisë.
  - c. Me vendim të gjykatës ose për arsye të tjera të parashikuara në statut.
3. Në rast mbyllje ortakët vendosin mbi mënyrat e likuidimit dhe caktojnë një ose më shumë likujdues duke ju përcaktuar dhe detyrat.
4. Në rastin e likuidimit emërtimi i shoqërisë do të shoqërohet nga shënimi "Shoqëri në likuidim".
5. Mbasi bëhet njoftimi i mbylljes së likuidimit dhe kryhen formalitetet e duhura, shoqëria çregjistrohet nga regjistri tregtar i Qendrës Kombëtare të Biznesit.

## Neni 19


### Baza ligjore

1. E gjithë veprimtaria e shoqërisë do të bazohet në ligjin 9901 datë 14.04.2008 "Për tregtarët dhe shoqëritë tregtare" si dhe në përgjithësi në legjislacionin e Republikës së Shqipërisë.

## Neni 20

Faqja 6 nga 7

Ke lftin Mëtonjësi  


Fabio Çela  


### **Ruajtja e sekretit**

1. Ortakët detyrohen që të mos nxjerrin tek të tretët të dhëna dhe njoftime sekrete që kanë të bëjnë me veprimtarinë ekonomike të shoqërisë.
2. Ortakët e shoqërisë përcaktojnë llojin e të dhënave dhe informatave që konsiderohen sekrete.

### **Neni 21**

#### **Dispozita të fundit**

1. Për sa nuk është parashikuar në këtë Statut do të aplikohet Ligji “Për Tregtarët dhe Shoqëritë Tregëtare” si dhe Legjislacioni Shqiptar në fuqi.
2. Ky Statut hyn në fuqi ditën e regjistrimit të shoqërisë në Regjistrin Tregtar në Qendrën Kombëtare të Biznesit në Tiranë.
3. Ky Statut përpilohet në 3 (tre) kopje origjinale, secili me të njëjtën vlerë ligjore. Njëri prej tyre ruhet në dokumentacionin bazë të shoqërisë.

**Ortakët:**

**Keltin Mësonjësi**

Keltin Mësonjësi  


**Fabio Çela**

Fabio Çela  
